



Conradus ille Tiguri natus & educatus fuit. Cum autem adoleuisset, cum reliquis Heluetijs in Italia castra secutus, & magnam laudem uirtutis causa adeptus est. Erat enim magna corporis & animi fortitudine præditus, qui res sibi belli & pacis tempore commissas summa dexteritate administrauit. Accidit autem eo tempore, ut Ludouicus Galliaë rex instructissimo exercitu equitum & peditum Mediolanum inuaderet, atq; totam Insubrum regionem sibi subijcere statueret. Itaq; Sfortia à suis cõfœderatis Heluetijs auxilia petijt & impetrauit. Primò quidem quatuor millia lectissimorum militum Mediolanum missi sunt, quibus Con-

radus ille, ob bellicæ rei peritiam & insignem fortitudinem, dux datus fuit. Is, cum suis, Gallis statim obuiam processit, atque in urbe Nouaria potentem illum hostem expectauit. Vnde rex adueniens eam urbem arcta obsidione cinxit, atq; muros machinis bellicis magno terrore concussit. Verùm Conradus cū suis Heluetijs intrepido animo, apertis portis, intra urbem manserunt, atq; eam fortiter conseruarunt. Erat Tramulius Gallici exercitus Legatus. Itaque Conradus ad eum nuntios misit, atq; huiusmodi sumptus, muros tormentis concutiendi, auferre iussit. sese enim cum suis portam aperuisse, atq; expectare ut erectis signis ingrederentur, & belli aleam experirentur. quoties etiam pars muri corruisset, ipse saltem linteis expansis ruinas tegere iussit.